

asgatemo ag siaoio oetjiei, eoletjing oesgitaptegemg ag soel negapigoamj otjii Gisolg tan teli peigooteq tan teli eoletetegetja. Amotj pel alipogoimg pel alapimg oegoao otangitasoagentj-itjin, gisi togoatomg otjii tan tetotji espeg ag tetotji ngotetjg tan gôgoei nemitomga.

Papgeg elapasing elempeegeg menigotjgel paseg ingotgoitjigiel, etoio sipogo ag pôgtapeg; gemtengig elmotjningig glapis oegoapin; sisipg alsoltitjig; sipo tan tli pmangitnotogo sist gagsimtelnagenipongeg, nagoeg gotjinoag Macpeitoôg sigentasiteg, gisgog ngotei; ag elt gato (moicalanetj Genigsgamino) gsigentasotimino elt ngotei ag taomenetj sag, sag, sag mset gogoei ogaglan pasag negameoei iaptjio oasôgo tgoeolagoneo.

Getel eta Nigsgam mesgigel ogisi otjii pgotamgaton aptjetjigigog, gaxming, angitelsimg, angitelmotjig oitjaninagig, ongigoinagig, genigsgamitjinagig sag nepgenig, angitelmotjig gaxig pitoi mtelnagenitjig geneg ag ootjoôo oigmoainag ali tepgigatemotitjig pigoelgig menag pa nemitoltigoa, ag ma ola ositgamog tli nemitoltigoa; mset oetapesigo Genigsgamino opagtagem tan ola tet amsgoes etli msagenasigsep otjii Lnogoa; golaman mogoee oen, nôgmatot, oigmatjel pênôgofelmaoitj, lnim gesi pagaptemogo tan Genigsgamino teli ngotitelmolgoa. Sigentasoti pisgoi osgitjnoti otjii Gisolg tan iaptjio teli otjigosoitja, na pegoatolg gisi tloeneno oitjigemolôg.—ag 'Notjinen Oasôgo epin.' Nin Glogap.

PILANSOE TOMA Matoes (gisna. Glaot) eigep Gamplitja oeleg ag sesagasit, telalesit istege sigoaptjiti, negem elt na gisi lapigôteoit, gato nige oeleg; tôgo na soel gisingoat, etli msenot pemi tepasitj poltjalnigtogoa. Megi psegaoesôg. Gato gisi lapante-gôteoimgeg eliet Auburn, Kings Co.

ESGISÔGNIG—alasoimôgoôm gagi gisitasig gotjema, paseg menag me lamigoôm elogoasinog eln tepetog getoi sigentasig pemi nigp, natami tepgenoset matjlotooigis.

NATOAGNEG—Mali tepg. 9 tes.—nemetj igat gisa megetatitjel gagesesala ag atôgoasola ag gioesola; gioeso neogtagig telaotit nigetja; ag gato gagesesal natoagneg gesigaô pialatitjel, gisigoisg Mali Lôs na maoi mgetatjel tan teli pgitjeg oelgielitj. Apel Tômsen eig listogotjg, tepgatg na tjinem teloisit otepitemit, ag Piel Pelnal sgeno-ôpetitjg eig. San Glaot ogoistitjel oesgitjinoit ag Ollpi Teni ag Anselig Ta-

mas otostjtjtoal tetotjelitjel tapogol agentieoit. Nin S. S.

Mo pa getjameg tan gôgoei telateg-eg: Aptjio telsetemai oenig tôgpogatasitjg mo tôgnasitjog enatitji otjita-gamitjoaa, istege pa oen posteoitjg nepatja. E. P. N.

AUBURN—Mali tepg. 9 tes.—Selian Nagot otosel gisi malieoit ag oigmatjel teloisilitjel Sôsep Tôni pastong eigig, multigleoimg malieoigemig, epites teloisip Lasel Nagot. Na nogo mogoee onitjin eimeligoi oiga, gagi malieoltititji; ag ogoisel Anliat oetjietjel oegôpegitga otepitimg ongiga api mitogootji; gisigo teloisit Noel Aplam; lôg gesatg tan teli onemiatja, ag mset lnogoa teli oli asitegsaltja mseta. P. P.



KING EDWARD

Gitelegeminoag Etoelôg nepgag gisi legeoitag misôgo pesgonateg tesipongeg. Nige ogoisei, teloisit Tjôtj nancoei pôgtji elegeoitieit.

Inatji mitgogoesenig LISTOGOTJG getjigao—Piel Sanipas, Pilip Tjô, E-gian Agostin, elp Oeliôm Agostn ag Sôsep tan me elogoet natami.

NEPGIG ALASOTMELSEANETJ

ANTJITJ LOIOG—16 tesiponatag tjel agetaig, Sôsep Loi otostjtjag, nepgag 19 tes. Mali tepg. pagtemgeg, mesgigeg otgotamgeg 22 tes., pigoelgepenig mimatjoimnogoig, tjel sagmaoag pegisingenag Matieo Plansoe pigtogeotj, ag mesgigeg elp alameseg 23 tes., tjel listogotjg tapogol alamesel elitasisge-penel 30 tes. ag 4 tes. tjona.